

Javna ustanova "KAMERNI TEATAR 55 SARAJEVO", sa sjedištem u Sarajevu, ul. Maršala Tita 56/II, koju zastupa Emir Hadžihafizbegović direktor (u daljem tekstu: NARUČILAC USLUGA) i

„ECOMATIC" d.o.o. Sarajevo, sa sjedištem u Sarajevu, ul. Vrbovska 35, koga zastupa Zijo Arapović, direktor (u daljem tekstu: PRUŽALAC USLUGA), zaključili su

## **UGOVOR O JAVNOJ NABAVCI PRUŽANJA USLUGA PREVOZA SCENOGRAFIJE**

dodijeljen u postupku javne nabavke – direktni sporazum  
u predmetu pružanja usluga prevoza scenografije i kostimografije za gostovanja Teatra

### **Član 1.**

Predmet ovog ugovora je pružanje usluga prevoza robe (scenografije i kostimografije) za gostovanja Teatra u zemlji i inostranstvu i u uslovima iz tenderske dokumentacije koja je sastavni dio ovog ugovora, kao i ponude pružaoca usluga od 29.11.2019. godine.

### **Član 2.**

Pružalac usluga je dužan da prevoz robe iz člana 1. ovog Ugovora, izvrši kao dobar privrednik, pridržavajući se uputstva Naručioca usluga i propisa o prevozu robe u javnom drumskom saobraćaju.

### **Član 3.**

Naručilac usluga će za izvršene usluge pružaocu usluga, platiti pojedinačne cijene usluga po ponudi od 29.11.2019. godine, a koja je sastavni dio ovog ugovora, s tim da ukupna cijena do kraja važenja ovog ugovora neće preći iznos od 6.000,00 KM, bez PDV-a.

Cijene u ponudi odnose se na domaći i međunarodni prevoz.

Cijene su garantovane za 2019. godinu, s tim da se na cijenu u domaćem transportu dodaju troškovi PDV.

### **Član 4.**

Naknadu na ime pružanja usluga, koje su predmet ovog ugovora, Naručilac usluga će platiti u roku od 30 dana od datuma dostavljanja fakture.

#### **Član 5.**

Osnov za plaćanje usluga je račun koji će pružalac usluga dostaviti naručiocu usluga, a nakon što je isti ovjeren od strane ovlaštenih lica Naručioca usluga da je usluga obavljena.

#### **Član 6.**

Pružalac usluga se obavezuje da usluge iz člana 1. ovog ugovora izvršava u skladu sa uslovima iz prihvaćene ponude.

#### **Član 7.**

Pružalac usluga je obavezan, ukoliko se prevoz robe vrši u inostanstvo, obezbjediti carinske i špeditorske usluge koje su potrebne za izvoz i uvoz robe uz originalnu prpratnu dokumentaciju (carina, putarina, terminali i dr.) kao i račune za ove usluge, koje će Naručilac usluga dužan platiti.

#### **Član 8.**

Pružalac usluga se obavezuje da za prevoz koristi vozilo koje najbolje odgovara količini robe i vrsti robe, da ne bi došlo do neiskorištenja kapaciteta vozila i opterećenja robe. Ako Pružalac usluga upotrijebi vozilo koje ne odgovara količini i vrsti robe koja treba da se preveze, te zbog toga vozilo ostane neiskorišteno u punom kapacitetu, Naručilac usluga plaća prevoz kao da je vozilo iskorišteno sa najmanje 70%.

#### **Član 9.**

Iskorišćenje vozila utvrđuje Naručilac usluga u prisustvu vozača Pružaoca usluga. Ako se vozač ne složi sa činjenicama koje utvrdi pošiljalac, obavezno se sastavlja zapisnik koji se prilaže prevoznoj ispravi.

#### **Član 10.**

Utovar robe vrši naručilac usluga. Početak utovara smatrat će se momentat stavljanja vozila na raspolaganje Naručiocu usluga na mjesto utovara.

**Član 11.**

Naručilac usluga je u potpunosti odgovoran da će preuzetu količinu robe na prevoz u ispravnom stanju predati na adresu koju mu dostavi

Naručilac usluga i u cjelosti preuzima rizik loma i oštećenja robe do kojeg bi došlo u toku prevoza uslijed bilo kojih okolnosti, kao što su pogrešan ili loš utovar, slabo obezbjeđenje utovara, loše pakovanje i dr.

**Član 12.**

U slučaju kvara ili havarije vozila na putu Pružalac usluga nije odgovoran za zakašnjenje u isporuci, ali je obavezan preduzeti sve potrebne mjere da ubrza isporuku.

**Član 13.**



Ako Pružalac usluga ne izvrši uredno naručeni prevoz, obavezan je Naručiocu usluga platiti na ime ugovorene kazne 5% od vrijednosti neizvršenog prevoza.

**Član 14.**

Eventualne sporove ugovorne strane će rješavati mirnim putem, a ako u tome ne uspiju, ugovaraju nadležnost Suda u Sarajevu.

**Član 15.**

Ovaj ugovor se primjenjuje danom potpisivanja od obje ugovorne strane, a sačinjen je u četiri istovjetna primjerka, od kojih dva pripadaju naručiocu usluga, a dva pružaocu usluga.

 <p><b>PRUŽALAC USLUGA</b> [Redacted] Zijo Arapović, direktor Broj: <u>38119</u> Sarajevo, <u>11.12.2019.</u></p>	 <p><b>NARUČILAC USLUGA</b> [Redacted] Emir Hadžihafizbegović, direktor Broj: <u>276-4119</u> Sarajevo, <u>5.12.2019.</u></p>
--	--